

**ХӨГЖЛИЙН БЭРХШЭЭЛТЭЙ ХҮҮХДИЙН ЭРҮҮЛ МЭНД, БОЛОВСРОЛ,
НИЙГМИЙН ХАМГААЛАЛ (ХБХЭМБНХ)-ЫН САЛБАР КОМИССЫН АЖЛЫГ
ГҮЙЦЭТГЭХЭД ШААРДЛАГАТАЙ МЭДЭЭЛЛҮҮДИЙГ НЭГТГЭСЭН ГАРЫН
АВЛАГА БОЛОВСРУУЛАХ, СУРГАЛТ ЗОХИОН БАЙГУУЛАХ ЗӨВЛӨХ БАГИЙН
АЖЛЫН УДИРДАМЖ**

1. Төслийн хураангуй

[Төслийн нэр]	Тэгш хүртээмжтэй, цогц үйлчилгээгээр бага насны хүүхдийн хөгжлийг дэмжих нь
[Төслийн хугацаа]	2024 оны 3-р сарын 30 - 2025 оны 3-р сарын 29
[Төслийн санхүүжүүлэгч]	Япон улсын Гадаад хэргийн яам
[Хамтрагч талууд]	ЭМЯ, ХНХЯ, БШУЯ
[Төслийн зорилтот газар]	Улаанбаатар хотын Баянзүрх, Чингэлтэй, Сонгинохайрхан дүүрэг, Баянхонгор, Сэлэнгэ аймаг

2. Төслийн зорилго, зорилтууд

Монгол Улсын Эрүүл Мэнд, Боловсрол, Шинжлэх ухаан, Хөдөлмөр, Нийгмийн Хамгааллын сайдын хамтарсан тушаалаар батлагдсан "Хөгжлийн бэрхшээлтэй хүүхдэд хөгжлийн цогц дэмжлэг үзүүлэх аргачлалыг"-ын дагуу нийслэлийн гурван дүүрэг болон Баянхонгор, Сэлэнгэ аймагт хөгжлийн бэрхшээлтэй хүүхдийн эрт илрүүлэг, оролцоо хөгжлийн дэмжлэгийг цогц байдлаар хэрэгжүүлэх.

Төслийн зорилтууд

- Өрхийн эрүүл мэндийн төвүүдийн тогтолцоог сайжруулах, чадавхыг бэхжүүлэх
- Хөгжлийн бэрхшээлтэй хүүхдийн эрүүл мэнд, боловсрол, нийгмийн хамгааллын салбар комиссын чадавхыг бэхжүүлэх
- Цэцэрлэгийн чадавхыг бэхжүүлэх, тогтолцоог хөгжүүлэх, бага сургуульд шилжихэд дэмжлэг үзүүлэх
- Эцэг эхчүүд болон орон нутгийн иргэдийн ойлголтыг нэмэгдүүлэх үйл ажиллагаа
- Бодлогын нөлөөлөх нөлөөлөх

3. Үндэслэл, хэрэгцээ шаардлага

Монгол Улсад Эрүүл Мэнд, Хөдөлмөр, Нийгмийн Хамгаалал, Боловсрол, Шинжлэх ухааны сайдын хамтарсан тушаалаар "Хөгжлийн бэрхшээлтэй хүүхдэд хөгжлийн цогц дэмжлэг үзүүлэх аргачлалыг"-ыг 2021 онд шинэчлэн баталсан. Энэ баримт бичиг нь нярайн эрүүл мэндийн үзлэг, эх, хүүхдийн эрүүл мэндийн дэвтэр, кейс хэлэлцүүлэг зэрэг Япон улсын хэрэгжүүлсэн төслийн санаачилгад тулгуурлан хүүхдийн хөгжлийн хоцрогдол, хөгжлийн бэрхшээлийг эрт илрүүлэх, шаардлагатай дэмжлэг, үйлчилгээг тасралтгүй үзүүлэх, салбар дундын зохицуулалтыг хангах зорилготой юм.

Энэхүү төслийг боловсруулахдаа төсөл хэрэгжих аймаг, дүүргийн цэцэрлэг, өрхийн эрүүл мэндийн төвийн эмч, багш нар, эцэг эхчүүдээс санал асуулга, ярилцлагын аргаар холбогдох судалгаа авсан юм.

- Судалгаанд хамрагдсан эцэг эхчүүдийн 62.1% нь хүүхдээ өрхийн эрүүл мэндийн төвийн нярайн эрүүл мэндийн үзлэгт тогтмол хамруулж байгаагүй, 11.1% нь хүүхдээ дараах шатны эмнэлгийн байгууллагад үзүүлэхийг илүүд үздэг гэжээ. Тэдний 93.1% нь эх

хүүхдийн эрүүл мэндийн дэвтэртэй байсан ч 44.8% нь уг гарын авлагаас хөгжлийн талаарх мэдээлэл аваагүй гэж хариулсан байна. Зорилтот өрхийн эрүүл мэндийн төвийн эмч нарын 50-аас доошгүй хувь нь 9 сар, 1.5 ба 3 настай хүүхдийн эрүүл мэндийн үзлэг хийхэд их тулгардаг бэрхшээл бол тоног төхөөрөмж, материалын хомсдол, эцэг эхийн ойлголт дутмаг, боловсон хүчний дутагдалтай, хөгжлийн бэрхшээлтэй хүүхдүүдийн хувьд үйлчилгээнд хамрагдахад таатай орчин бүрдүүлэх хэрэгцээ байна гэж үзжээ.

- Хөгжлийн бэрхшээлийг эрт илрүүлж, оролцоо дэмжлэг үзүүлэх ажлыг удирдан явуулдаг ХБХЭМБНХ-ын салбар комиссуудын хүүхдийн оюун ухаан болон бие бялдрын үйл ажиллагааг сэргээх төдийгүй нийгмийн оролцоог дэмжих, цэцэрлэг, сургуульд хамруулах зэрэг цогц хөгжлийг дэмжих төлөвлөгөө боловсруулах чадавхыг дээшлүүлэх шаардлагатай байна.
- Төрийн өмчийн цэцэрлэгүүд хөгжлийн хоцрогдол, бэрхшээлтэй зэргээс үл шалтгаалан хүүхдийн хувийн онцлог хэрэгцээнд нийцүүлэн боловсрол эзэмшүүлэх шаардлагатай байгааг цэцэрлэгийн багш нартай хийсэн ярилцлагаар тодорхойлогджээ. Мөн хөгжлийн бэрхшээлтэй байж болзошгүй хүүхдүүдийн зарим эцэг, эхчүүд хүүхдээ хөгжлийн бэрхшээлтэй байж болзошгүйг хүлээн зөвшөөрөхгүй, зохих оношилгоо, үйлчилгээнд шилжүүлэхээс татгалзаж байгаа тул энэ талаар олон нийтэд таниулах, нөлөөлөл сурталчилгааны ажил шаардлагатай байгааг дурдлаа.

Иймд дээрх хэрэгцээнд үндэслэн бага насны хүүхдийн хөгжлийн бэрхшээлийг эрт илрүүлж, оношлох, дэмжлэг үзүүлэхэд салбар комиссын гишүүдийн чадавхыг дээшлүүлэх сургалтын гарын авлагыг боловсруулах хэрэгтэй байна.

4. Ажлын зорилго

1. ХБХЭМБНХ-ын салбар комиссын ажлыг гүйцэтгэхэд шаардлагатай мэдээллүүдийг нэгтгэсэн “Тэгш хүртээмжтэй, цогц үйлчилгээ: Бага насны хүүхдийн хөгжлийг дэмжихэд ХБХЭМБНХ-ын салбар комиссын үүрэг, оролцоо” сэдвээр салбар комиссын гишүүдэд зориулсан 12 цагийн багц агуулга бүхий гарын авлага боловсруулах
2. Гарын авлагыг боловсруулах үйл явцад багш, эмч, мэргэжилтэн, төслийн болон техникийн шинжээчдийн багийн гишүүдийн саналыг авч тусгах
3. Боловсруулсан гарын авлага дээр үндэслэн салбар комиссын гишүүдэд зориулсан сургалтыг зохион байгуулах, зөвлөн туслах
4. Зохион байгуулсан сургалтын мөрөөр салбар комиссын гишүүдийн эзэмшсэн арга зүй, хэрэгжүүлж буй арга барилын өөрчлөлтийг үнэлэх, зөвлөгөө өгөх ажлыг зохион байгуулах

5. Гарын авлагын агуулга

“Тэгш хүртээмжтэй, цогц үйлчилгээ: Бага насны хүүхдийн хөгжлийг дэмжихэд ХБХЭМБНХ-ын салбар комиссын үүрэг, оролцоо” (100 нүүр, 1.5 өдөр/12 цаг)

Бүлэг 1.

- Салбар комиссын түвшинд нярай болон бага насны хүүхэд (0-5 нас)-ийн хөгжлийн хоцрогдол, бэрхшээлийн эрт илрүүлэг
- Салбар комиссын түвшинд нярай болон бага насны хүүхэд (0-5 нас)-ийн хөгжлийн бэрхшээлийн оношилгоо, үнэлгээ
- Салбар комиссын түвшинд нярай болон бага насны хүүхэд (0-5 нас)-ийн хөгжлийн дэмжлэгийн үйлчилгээний төлөвлөлт, шийдвэр
- Салбар комиссын үүрэг, оролцоо
 - Эрүүл мэндийн үйлчилгээ хариуцсан гишүүн
 - Боловсролын үйлчилгээ хариуцсан гишүүн
 - Нийгмийн хамгааллын үйлчилгээ хариуцсан гишүүн

- Салбар хоорондын уялдаа холбоо

Бүлэг 2.

- Хөгжлийн бэрхшээлтэй хүүхдийн хөгжлийг дэмжих, боловсролд тэгш хамруулах, сэргээн засах, сэтгэл зүйн тусламж үйлчилгээ үзүүлэх кейс хэлэлцүүлэг зохион байгуулах аргачлал
- “Хөгжлийн бэрхшээлтэй хүүхдийн мэдээллийн нэгдсэн сан”-г ашиглах зааварчилгаа

6. Багийн ажил үүргийн хуваарь

Ажил гүйцэтгэх баг нь Японы Хүүхдийг Ивээх сангийн “Тэгш хүртээмжтэй, цогц үйлчилгээгээр бага насны хүүхдийн хөгжлийг дэмжих нь” төслийн ажилтнуудын техникийн туслалцааг авч, байнга зөвшилцөж ажиллана.

Мөн төслийн хүрээнд боловсруулагдаж байгаа бусад гарын авлага, модулийн зөвлөх багуудтай нягт хамтран ажиллах ба Зөвлөх багийн ахлагчийн арга зүй, удирдлага дор ажиллана.

7. Төслийн багт хүлээлгэн өгөх материал

- Зөвлөх баг нь “Тэгш хүртээмжтэй, цогц үйлчилгээ: Бага насны хүүхдийн хөгжлийг дэмжихэд ХБХЭМБНХ-ын салбар комиссын үүрэг, оролцоо” гарын авлагыг эцэслэн цаасаар болон цахим хэлбэрээр
- Төслийн ажлын хэсгийн гишүүд, мэргэжилтэн, бусад холбогдох төлөөллийг оролцуулсан уулзалт, хэлэлцүүлэг зохион байгуулсан тайлан
- Салбар комиссын гишүүдэд сургалт зохион байгуулсан тайлан
- Гарын авлага боловсруулах явцын болон эцсийн тайлан (Монгол, Англи хэл дээр)

8. Ажлын хүрээ, хугацаа

Зөвлөх баг нь дараах ажлын хүрээг баримтлан ажиллана.

ҮЙЛ АЖИЛЛАГААНУУД	ХУГАЦАА
Бэлтгэл үе шат	
Зөвлөх ажлын нөхцөлийн талаар тохиролцох (Ажлын гэрээ, гүйцэтгэх ажил, хуваарь гэх мэт)	VI/17
Төслийн чиглэл, үзэл санаатай танилцах	
Гэрээнд гарын үсэг зурах	VI/20
Гарын авлага боловсруулах шат	
Сургалтын модулийн дизайн, бүлэг тус бүрийн агуулгыг боловсруулах	VII/10
Сургалтын модулийн дизайн, агуулгыг төслийн багаас санал авч хэлэлцүүлэх	VII/20
Холбогдох санал хүсэлтүүдийг тусган засан сайжруулах	VIII/10
Сайжруулсан хувилбарыг төслийн баг болон бусад зөвлөх баг, холбогдох байгууллагын төлөөллөөр хэлэлцүүлэх, дахин боловсруулах	VIII/20
Гарын авлагыг эцэслэн боловсруулж дуусгах	
Боловсруулсан материалуудыг ХИС-нд цаасаар болон цахим хэлбэрээр хүлээлгэн өгөх	IX/10
Боловсруулсан төслийг хэвлэлд шилжүүлэх, хэвлэлийн эх бэлтгэхэд хамтран ажиллах, гэрээг дүгнэх	IX/20
Сургагч багш бэлтгэх семинар зохион байгуулах	
УБ хотод салбар комиссын гишүүдийн сургалт зохион байгуулах	X/10

Зорилтот аймгуудад салбар комиссын гишүүдийн сургалт зохион байгуулах	X/20-25
Сургалтын тайлан бичиж өгөх	XI/05

9. Зөвлөх багт тавигдах ерөнхий шаардлага

- Баг нь 3-5 гишүүнтэй байх
- Багийн гишүүд нь эрүүл мэнд, боловсрол, нийгмийн хамгааллын чиглэлээр 5 буюу түүнээс дээш жил ажилласан туршлагатай байх
- Багийн гишүүд нь сургалтын хөтөлбөр, гарын авлага, сурах бичиг болон сургалтын хэрэглэгдэхүүн боловсруулж байсан туршлагатай байх
- Багийн гишүүдэд ХИС-ийн өмнөх Тэгш хамран сургах боловсролын төслийн сургалтын материал/модуль боловсруулсан багш/эмч оролцсон бол давуу тал болно
- Компьютерын оффис програмууд дээр чөлөөтэй ажиллах чадвартай байх
- Багаар ажиллах чадвартай байх
- Төслийн хүрээнд үйл ажиллагааны төлөвлөгөөний дагуу зорилтот цэцэрлэг, өрхийн эрүүл мэндийн төв, хөдөө орон нутагт очиж зөвлөгөө өгөх, хяналт-үнэлгээний багийн бүрэлдэхүүнд орж ажиллах боломжтой байх

САНАЛ АВАХ ХУГАЦАА: Дээрх ажлыг гүйцэтгэх туршлага, чадвар бүхий байгууллага буюу мэргэжилтнүүдийн баг саналаа 2024 оны 6-р сарын 14-ний өдрийн 17.00 цагаас өмнө Хүүхдийг Ивээх Санд бичгээр эсхүл электрон хэлбэрээр (pdf өргөтгөлөөр) mongolia.procurement@savethechildren.org хаягаар ирүүлнэ.

ИРҮҮЛЭХ МАТЕРИАЛ:

- Шалгаруулалтад оролцох хүсэлтийг илэрхийлсэн албан захидал
- Багийн танилцуулга (багийн гишүүдийн мэдээлэл, анкет, гол хариуцах хүний мэдээлэл)
- Ижил төстэй ажлыг хийж, боловсруулж байсан туршлага (мэдээлэл, жишээ болохуйц бүтээлийн жагсаалтууд)
- Ажлыг гүйцэтгэх үнийн санал